



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-154-6/24**
Datum: **07.08.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «MALAK INVEST» d.o.o. Kakanj za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških otpadnih voda sa lokaliteta kompleksa objekata izgrađenog na lokalitetu Zajezda, općina Kakanj, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06 i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «MALAK INVEST» d.o.o. Kakanj daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških otpadnih voda sa lokaliteta kompleksa objekata izgrađenog na lokalitetu Zajezda na zemljištu označenom kao k.č. broj: k.č. 2177/7 K.O. Brežani, općina Kakanj.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode za sanitarne i tehnološke potrebe i ispuštanje sanitarno fekalnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona u skladu sa članom 139. stav 2. tačka 1. i 2. Zakona o vodama ili općina/grad, ukoliko je kantonalnim propisom prenesena nadležnost na općinu/grad, shodno stavu (3) istog člana Zakona.
3. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji predmetnog kompleksa objekata i uz sljedeće uslove:
 - 3.1. Da se upotreba i korištenje predmetnog kompleksa objekata lociranog na lokalitetu Zajezda, općina Kakanj vrši u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Da se, u skladu sa dostavljenim dinamičkim planom ovjerenim i potpisanim od strane odgovornog lica podnosioca zahtjeva, a koji je sastavni dio ovog Rješenja, do 30.06.2026. godine završe radovi na prikupljanju i tretmanu tehnoloških otpadnih voda te ispuštanju prečišćenih voda u recipijent, kako slijedi:

R. broj	Naziv aktivnosti	Finansijska procjena za realizaciju aktivnosti	Rok za realizaciju aktivnosti
1	Osposobljavanje postojećeg sistema za tretman otpadnih voda	5.500,00 KM	01.09.2025.
2	Zamjena postojećeg rezervoara za krv kapaciteta 500 lit sa rezervoarom od 2.000 lit – prikupljanje ponuda i nabavka	1.900,00 KM	31.10.2025.
3	Pripremni radovi (betoniranje podloge za novi rezervoar za zbrinjavanje krvi i izrada pristupnog puta)	500,00 KM	31.10.2025.
4	Postavljanje novog rezervoara za zbrinjavanje krvi	200,00 KM	30.11.2025.
5	Nabavka muljne pumpe za zbrinjavanje mulja iz trokomorne jame	2.369,00 KM	30.12.2025.

6	Definisanje karakteristika biološkog uređaja sa projektantom – Perspektiva d.o.o. Visoko na osnovu rezultata analiza praćenih u proteklom periodu i projektovanih kapaciteta proizvodnje	0,00 KM	01.03.2026.
7	Prikupljanje ponuda za SBR uređaj na osnovu prethodno definisanih specifikacija i tehničkog opisa	0,00 KM	30.04.2026.
8	Nabavka SBR uređaja	30.000,00 KM	01.06.2026.
9	Pripremni radovi za montažu, instaliranje SBR uređaja	500,00 KM	01.06.2026.
10	Puštanje SBR uređaja u rad i obuka uposlenika	1.000,00 KM	30.06.2026.

- 3.3. Da korisnik predmetnog kompleksa objekata, za vrijeme trajanja ove dozvole, a nakon završetka planiranih radova, obezbjeđuje da se tehnološke otpadne vode nastale pranjem instalirane opreme, alata, posuda, radnih površina i podova u proizvodnim pogonima prerade mesa, mlijeka, voća i povrća nesmetano sakupljaju i odvođe do objekata predviđenih za tretman otpadnih voda a zatim ovako tretirane vode ispuštaju u recipijent.
- 3.4. Da se usvojenim tehničkim rješenjima iz projektne dokumentacije i realizovanim radovima poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisija otpadnih voda utvrđene u Prilogu 4., 6. i 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 01/24).
- 3.5. Da se za vrijeme trajanja ove dozvole izgradi posebno reviziono okno neposredno nakon postrojenja za tretman tehnoloških otpadnih voda a prije ispusta u recipijent. Ovo okno predstavljat će okno za monitoring, odnosno mjesto na kojem će vršiti kontrola kvaliteta ispuštene vode (monitoring definisan tačkom 3.20. ovog rješenja).
- 3.6. Čišćenje i održavanje postojeće trokomorne septičke jame i postrojenja za tretman tehnoloških otpadnih voda (nakon instaliranja) te skladištenje i konačno zbrinjavanje otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu mulja/taloga iz septičke jame i postrojenja za tretman otpadnih voda kao i preuzimanje drugog otpada.
- 3.7. Objekte kako postojeće, tako i one koji će se, nakon realizacije projektom predviđenih radova, koristiti u svrhu prikupljanja, odvodnje i tretmana tehnoloških otpadnih voda nastalih u krugu kompleksa (kanalizaciona mreža, slivničke rešetke, trokomorna septička jama, postrojenje za tretman tehnoloških otpadnih voda...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
- 3.8. Da se nakon izgradnje i stavljanja u funkciju postrojenja za tretman otpadnih voda, redovno prate parametri potrebni za vođenje tehnološkog procesa prečišćavanja, vrši evidencija mjerenja količina otpadnih voda koje se prečišćavaju.
- 3.9. U toku izvođenja radova na predmetnom lokalitetu neophodno je osigurati stručni nadzor nad izvođenjem istih te poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
- 3.10. Građevinski materijal i ostali otpad nastao tokom izvođenja radova, otpad nastao u postupku prerade mlijeka i proizvodnje mliječnih proizvoda, klaonički otpad nastao u postupku prerade mesa, istaložena so nastala u postupku skladištenja sirove kože, otpad nastao u postupku prerade voća i povrća te ostali opasni i neopasni otpad se ne smiju ni privremeno odlagati na česticu «vodno dobro», odnosno u vodotok i na njegove obale.
- 3.11. Sadržaj (mulj) iz postrojenja za tretman otpadnih voda i septičke jame se ne smije ni privremeno odlagati na česticu «vodno dobro», odnosno u vodotok i na njegove obale.
- 3.12. Praktikovati suho čišćenje podova objekata pogona i objekta farme prije pranja vodom kako bi se što više uklonile nečistoće sa radnih površina, trošilo manje vode za pranje te smanjilo zagađenje voda.

- 3.13. Krv nastala u pogonu za klanje i preradu mesa skladištiti u posebnom spremniku do konačnog zbrinjavanja. Trajnu dispoziciju riješiti prema uputama i u saradnji sa veterinarskom inspekcijom.
- 3.14. Animalni/klaonički otpad koji nastaje u procesu klanja i obrade mesa treba redovno odstraniti iz proizvodnog procesa, odložiti u kontejnere propisane za tu vrstu otpada i u saradnji sa ovlaštenom institucijom, prema sklopljenom ugovoru, odvoziti i zbrinjavati u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
- 3.15. Odlaganje i čuvanje sirovih koža vršiti u betonskim nepropusnim bazenima u prostoriji sa ugrađenim podnim slivnikom za prihvatanje i odvodnju otpadnih voda nastalih povremenim pranjem poda te prostorije.
- 3.16. Đubrivo i osoka nastali u objektu farme za uzgoj krupne i sitne stoke kao i u depou za privremeni smještaj stoke, trebaju se redovno sakupljati u odgovarajućoj natkrivenoj vodonepropusnoj sabirnoj/đubrišnoj jami, koje će se periodično prazniti u svrhu đubrenja poljoprivrednog zemljišta.
- 3.17. Spriječiti nekontrolisano rasipanje tečnog i krutog otpada iz objekta farme po okolnom zemljištu a aplikaciju đubriva na poljoprivredne površine vršiti u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
- 3.18. Da se skladištenje i upotreba hemijskih supstanci (bilo da se koriste kao sredstva za pranje posuđa i opreme ili kao sredstva u tehnološkom procesu ili kao aditivi) vrši na siguran i bezbjedan način kako bi se onemogućilo dospijevanje istih u tlo, površinske i podzemne vode.
- 3.19. Da se u skladu sa propisima iz oblasti zaštite okoliša, vrši bezbjedno i redovno skupljanje otpada nastalog u proizvodnim postupcima kao i čvrstog opasnog i neopasnog otpada sa kompletnog kruga kompleksa, isti propisno skladištiti do njegovog konačnog zbrinjavanja od strane ovlaštene organizacije.
- 3.20. Vlasnik odnosno korisnik predmetnog kompleksa je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.21. Nakon izgradnje svih objekata za prikupljanje i tretman tehnoloških otpadnih voda obuhvaćenih Glavnim projektom i dinamičkim planom Investitor je u obavezi da uradi Projekat izvedenog stanja odvodnje i tretmana otpadnih voda kompleksa i isti priloži prilikom podnošenja zahtjeva za izdavanje nove vodne dozvole.
- 3.22. Vlasnik odnosno korisnik kompleksa objekata je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik predmetnog kompleksa objekata je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenta zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.

6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog kompleksa objekata obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa objekata obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
8. Ukoliko radom predmetnog kompleksa objekata dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. U ovoj upravnoj stvari plaćene su sve upravne pristojbe.
11. Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja 30.06.2026. godine, uz uslov da se aktivnosti obuhvaćene tačkom 3. dispozitiva rješenja u cjelosti poštuju.
12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica «MALAK INVEST» d.o.o. Kakanj dana 14.04.2025. godine podnesen je ovoj Agenciji zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških otpadnih voda sa lokaliteta kompleksa objekata izgrađenog na lokalitetu Zajezda na zemljištu označenom kao k.č. broj: k.č. 2177/7 K.O. Brežani, općina Kakanj.

U provedenom postupku dostavljena je i pregledana sljedeća dokumentacija:

- Ovjereni kopija Rješenja o izmjenama podataka u sudski registar broj: 043-0-Reg-24-001262 izdatog 07.01.2025. godine od strane Općinskog suda u Zenici,
- Ovjereni kopija Uvjerenja o registraciji poreznog obveznika izdatog dana 05.05.2022. godine od strane Porezne uprave Federacije BiH – Kantonalni porezni ured Zenica,
- Ovjereni kopija Obavještenja o razvrstavanju pravnog lica prema klasifikaciji djelatnosti broj: 07-32.5-5754/22 izdatog dana 05.05.2022. godine od strane Službe za statistiku za područje Zeničko-dobojskog kantona,
- Kopija Rješenja o upotrebi građevine broj: 12-23-7349/14 izdatog dana 18.03.2015. godine za gospodarski objekat za uzgoj stoke od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (rješenje izdato za Haris Neimarlija),
- Kopija Rješenja o odobrenju za upotrebu objekta restorana broj: 04/1-19-1387/21 izdatog dana 25.05.2021. godine od strane Službe za privredu, urbanizam i zaštitu okoline Općine Kakanj (rješenje izdato za «MALAK INVEST» d.o.o. Sarajevo),
- Kopija Rješenja o odobrenju za upotrebu broj: 04/1-19-1386/21 izdatog dana 09.07.2021. godine od strane Službe za privredu, urbanizam i zaštitu okoline Općine Kakanj za poslovno proizvodni objekat spratnosti S+P+Pk namjene: klaonica i prostorije za rasijecanje i preradu mesa – suteran; mljekara i prostorije za preradu mlijeka – prizemlje; prostorije za preradu voća i povrća – potkrovlje (rješenje izdato za «MALAK INVEST» d.o.o. Sarajevo),
- Operativni plan mjera u slučaju vanrednih i incidentnih zagađenja za «MALAK INVEST» d.o.o. Sarajevo podružnica «MALAK FARMA» Kakanj urađen u aprilu 2022. godine od strane «Inspekt RGH» d.o.o. Sarajevo (na uvid),
- Kopija Rješenja o vodnoj dozvoli broj: UP-1/21-3-40-098-4/24 izdatog dana 15.10.2024. godine od strane «Agencije za vodno područje rijeke Save» Sarajevo,
- Kopija Rješenja o okolinskoj dozvoli broj: 12-19-08743/20 izdatog 16.02.2021. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,

- Kopija Ugovora o deponovanju animalnog otpada broj: 5016-5/21 zaključenog dana 12.05.2021. godine između «MALAK INVEST» d.o.o. Sarajevo i JP «VODOKOM» d.o.o. Kakanj,
- Kopija računa broj: 21952 od 16.01.2025. godine o deponovanju animalnog otpada dostavljenog od JP «VODOKOM» d.o.o. Kakanj,
- Kopija Ugovora broj: 792/24-DS o izvođenju radova na čišćenju separatora i septičkih jama i odvozu otpadnog mulja i taloga iz separatora i septičkih jama zaključen dana 04.06.2024. godine između «MALAK INVEST» d.o.o. Kakanj i «DELTA PETROL» d.o.o. Kakanj,
- Kopije računa o čišćenju septičke jame od 28.05.2025., 04.06.2025. i 04.07.2025. godine dostavljenih od strane «DELTA PETROL» d.o.o. Kakanj.
- Kopija Ugovora broj: 7526-5/20 o pružanju komunalnih usluga zaključen dana 18.11.2020. godine između «MALAK INVEST» d.o.o. Sarajevo podružnica «MALAK FARMA» Kakanj i JP «VODOKOM» d.o.o. Kakanj,
- Kopija Izvještaja o monitoringu kvaliteta i kvantiteta otpadnih voda pogona «MALAK FARMA» Kakanj broj: 2603/24/24 za decembar 2024. godine, broj: 682/25 za april 2025. godine i broj: 1290/25 za juli 2025. godine urađeni od strane «Inspekt RGH» d.o.o. Sarajevo,
- Glavni projekat vanjskih hidroinstalacija za proizvodni objekat «MALAK INVEST» d.o.o. Sarajevo, urađen od strane «PERSPEKTIVA-inženjering» d.o.o. Visoko (šifra: 83.VS.PER.IX/20, septembar 2020. godine) te revidovan od strane «ENCOS» d.o.o Sarajevo (broj: 407-3/2020, septembar 2020. godine),
- Kopija Zapisnika broj: UP1-14-21-2-00052/2025-1405-1-P urađenog dana 03.06.2025. godine od strane Federalne uprave za inspekcijske poslove – Vodni inspektorat,
- Kopija Rješenja broj: UP1-14-21-2-03012/2025-1405-3 izdatog dana 16.06.2025. godine od strane Federalne uprave za inspekcijske poslove – Vodni inspektorat,
- Izvještaj o provedenim mjerama naloženim Rješenjem broj: UP1-14-21-2-03012/2025-1405-3 izdatim dana 16.06.2025. godine od strane Federalne uprave za inspekcijske poslove – Vodni inspektorat (broj protokola: 167-07/25 od 25.07.2025. godine),
- Ovjeren Detaljan Dinamički plan sa aktivnostima, finansijskom procjenom i rokovima realizacije za 2025. i 2026. godinu za izgradnju i puštanje u rad sistema za prikupljanje, tretman i ispuštanje tehnoloških otpadnih voda kompleksa «MALAK INVEST» d.o.o. Kakanj od 29.07.2025. godine,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog kompleksa objekata na lokalitetu Zajezda, općina Kakanj i tom prilikom je sačinjen Zapisnik o uviđaju broj: UP-1/21-3-40-154-3/25 od 26.06.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni kompleks objekata «MALAK INVEST» d.o.o. Kakanj izgrađen na lokalitetu Zajezda u Kakanju čine sljedeći objekti:

- Farma za uzgoj krupne i sitne stoke (trenutni kapacitet: 10 junadi, 20 krava, 20 ovaca, 40 koza i 10 konja)
- Proizvodni objekat (S+P+Pk) u kome su smješteni: pogon za klanje životinja i preradu mesa za potrebe restorana i hotela «MALAK» - trenutni kapacitet 400 kg/dan; pogon za preradu mlijeka – trenutni kapacitet 200 l/dan; pogon za preradu voća i povrća – trenutni kapacitet 200 kg/dan
- Ugostiteljski sadržaji
- Poljoprivredne površine za uzgoj voća i povrća
- Uređene površine za odmor i rekreaciju.

Za predmetni kompleks objekata je od strane Agencije dana 14.06.2021. godine izdato Rješenje o vodnoj dozvoli broj: UP-I/25-3-40-171-4/21. Isto je stavljeno van snage donošenjem novog Rješenja o vodnoj dozvoli broj: UP-1/21-3-40-098-4/24 od 15.10.2024. godine sa određenim uslovima i rokom važenja od 6 mjeseci od dana pravosnažnosti istog.

Snabdijevanje vodom kompleksa obezbijeđeno je priključkom na vodovodni sistem kojim upravlja JP «VODOKOM» d.o.o. Kakanj.

Otpadne vode koje nastaju u procesu čišćenja objekta farme za uzgoj stoke se zasebnim sistemom kanala i slivnih rešetki odvođe do vodonepropusne osočne jame bez preliva ($V=10 \text{ m}^3$). Đubrivo se

odlaže u natkrivenu betonsku lagunu. Đubrivo i sadržaj iz osočne jame se odvoze na vlastite poljoprivredne površine. Krv iz pogona za klanje i preradu mesa se prihvata posebnim sistemom kanalizacije i odvodi do namjenskog spremnika za krv.

Tehnološke otpadne vode nastale pranjem instalisane opreme, alata, posuda, radnih površina i podova u pogonu za klanje životinja i preradu mesa (suteren), pogonu za preradu mlijeka (prizemlje) kao i u pogonu za preradu voća i povrća (potkrovlje) se kanalizacionim sistemom odvođe do vodonepropusne trokomorne septičke jame sa prelivom.

Uvidom u Izvještaj o monitoringu otpadnih voda broj: 681/25 urađen u aprilu 2025. godine od strane «Inspekt RGH» d.o.o. Sarajevo (mjerno mjesto E₁ - šaht), utvrđena su značajna prekoračenja MDK definisanih Uredbom o uslovima ispuštanja otpadnih voda u okoliš i sisteme javne kanalizacije za: ukupne suspendovane materije, taložive materije, HPK, BPK₅, ukupni fosfor, amonijačni azot, ukupni azot, ukupni hlor, ukupne površinske aktivne tvari.

Nakon detaljnog čišćenja i pražnjenja trokomorne septičke jame urađenog od strane firme «DELTA PETROL» d.o.o. Kakanj, dana 14.07.2025. godine izvršeno je kontrolno ispitivanje kvaliteta otpadnih voda. Prema Izvještaju o kvalitetu otpadnih voda broj: 1290/25, juli 2025. godine rezultati su zadovoljavajući.

U Izvještaju o provedenim mjerama naloženim Rješenjem broj: UP1-14-21-2-03012/2025-1405-3 izdatom dana 16.06.2025. godine od strane Federalne uprave za inspekcijske poslove – Vodni inspektorat (broj protokola: 167-07/25 od 25.07.2025. godine) priložen je Izvještaj o ispitivanju otpadnih voda (tabelarni prikaz rezultata ispitivanja od 14.07.2025. godine), računi o čišćenju septičke jame (računi od 28.05.2025., 04.06.2025. i 04.07.2025. godine), ponude za novi tank za zbrinjavanje krvi i muljne pumpe te prijedlog Dinamičkog plana za 2025. i 2026. godinu sa aktivnostima planiranim kao II faza u cilju obezbjeđenja kvaliteta ispuštenih voda sve prema Glavnom projektu vanjskih hidroinstalacija za proizvodni objekat «MALAK INVEST» d.o.o. Sarajevo («PERSPEKTIVA-inženjering» d.o.o. Visoko, šifra: 83.VS.PER.IX/20, septembar 2020. godine).

Podnosilac zahtjeva je dana 29.07.2025. godine putem mail-a, te dana 07.08.2025. godine putem pošte dostavio korigovan i konačan Dinamički plan na obrascu iz Priloga A Uredbe (zasebno po godinama). U dinamičkom planu su navedene aktivnosti i rokovi sa finansijskom procjenom za ulaganje na izgradnji i puštanju u rad sistema za prikupljanje, tretman i ispuštanje tehnoloških otpadnih voda na lokaciji kompleksa objekata «MALAK INVEST» d.o.o. Kakanj na lokalitetu Zajezda, općina Kakanj za period od septembra 2025. do juna 2026. godine. Na osnovu uvida u dostavljeni dinamički plan utvrđeno je sljedeće:

- krajnji rok za realizaciju radova je 30.06.2026. godine.
- rokovi za realizaciju pojedinih aktivnosti iz dostavljenog dinamičkog plana koji je sastavni dio ovog rješenja su navedeni u tački 3.2. dispozitiva.

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog kompleksa objekata na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Konstatuje se da je podnosilac zahtjeva «MALAK INVEST» d.o.o. Kakanj, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških otpadnih voda sa lokaliteta proizvodnog kompleksa objekata izgrađenog na lokalitetu Zajezda, općina Kakanj, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog kompleksa objekata utvrđene su obaveze u tački 6. dispozitiva ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-154-2/25 od 23.06.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju
Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- «MALAK INVEST» d.o.o. Kakanj
Zajezda br 5/II, 72240 Kakanj
- ⊖ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava